

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**RJEŠENJE**

**Prijava namjere koncentracije privrednog subjekta Poteza Adriatic Fund B.V., Amsterdam,  
Holandija i privrednog subjekta Postbank BH Poštanska banka Bosne i Hercegovine d.d.  
Sarajevo, Bosna i Hercegovina**

**Sarajevo  
Juni 2009. godine**



Broj: 01-05-26-055-19-II/08  
Sarajevo, 04.06.2009. godine

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji („Službeni glasnik BiH“, br. 48/05 i 76/07), rješavajući po Prijavi namjere koncentracije privrednog subjekta Poteza Adriatic Fund B.V., Prins Bernhardplein 200, 1097JB Amsterdam, Holandija i privrednog subjekta Postbank BH Poštanska banka Bosne i Hercegovine d.d. Sarajevo, Put život 2, 71000 Sarajevo, Bosna i Hercegovina, podnesenoj putem ovlaštenog zastupnika Peđe Sarajlića, vijećenik ko-menadžer privrednog subjekta Poteza Adriatic Fund, Porodice Ribar 10/VI, 71000 Sarajevo, zaprimljenoj dana 24.12.2008. godine pod brojem: 01-05-26-055-II/08, Konkurencijsko vijeće, na 89. (osamdesetdevetoj) sjednici održanoj dana 04.06. 2009. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu bankarskih usluga u BiH, koja će nastati sticanjem kontrole u privrednom subjektu Postbank BH Poštanska banka Bosne i Hercegovine d.d. Sarajevo, Put život 2, 71000 Sarajevo, Bosna i Hercegovina, od strane privrednog subjekta Poteza Adriatic Fund B.V., Prins Bernhardplein 200, 1097JB Amsterdam, Holandija, kupovinom većine dionica.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 24. decembra 2008. godine pod brojem: 01-05-26-055-II/08, zaprimilo Prijavu namjere koncentracije (u daljem tekstu: Prijava) privrednog subjekta Poteza Adriatic Fund B.V., Prins Bernhardplein 200, 1097JB Amsterdam, Holandija (u daljem tekstu: podnosilac Prijave ili Poteza Fond), podnesenu putem ovlaštenog zastupnika Peđe Sarajlića, vijećenik ko-menadžer privrednog subjekta Poteza Adriatic Fund, Porodice Ribar 10/VI, 71000 Sarajevo, kojom namjerava steći većinsku kontrolu nad privrednim subjektom Postbank BH Poštanska banka Bosne i Hercegovine d.d. Sarajevo, Put život 2, 71000 Sarajevo, Bosna i Hercegovina (u daljem tekstu: Poštanska banka).

Uvidom u podnesenu Prijavu utvrđeno je da ista nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterijumima za ocjenu koncentracija privrednih subjekata („Službeni glasnik BiH“, broj 95/06), te je u skladu sa članom 31. Zakona Konkurencijsko vijeće zatražilo dopunu iste dana 14.01.2009. godine dopisom broj: 01-05-26-055-1-II/08, dana 22.01.2009. godine dopisom broj: 01-05-26-055-4-II/08 i dana 18.03.2009. godine dopisom broj 01-05-26-055-10-II/08.

Podnosilac prijave je dopunio istu i traženu dokumentaciju dostavio dana 19.01.2009. godine dopisom broj: 01-05-26-055-2-II/08, dana 30.01.2009. godine dopisom broj: 01-05-26-055-5-II/08, dana 19.02.2009. godine dopisom broj: 01-05-26-055-7-II/08, dana 20.02.2009. godine dopisom broj: 01-05-26-055-8-II/08, dana 24.02.2009. godine dopisom broj: 01-05-26-055-9-II/08 i dana 20.03.2009. godine dopisom broj: 01-05-26-055-11-II/08.

Po prijemu tražene dokumentacije Konkurencijsko vijeće je utvrdilo Prijavu kompletnom, te je u skladu sa članom 30. stav (3) Zakona, Podnosiocu prijave izdalo Potvrdu o prijemu kompletne i uredne Prijave, dana 23.03.2009. godine pod brojem: 01-05-26-055-12-II/08.

U cilju određivanja tačnog datuma sticanja kontrole od strane privrednog subjekta Poteza Fond nad privrednim subjektom Poštanska banka, Konkurencijsko vijeće je od podnosioca Prijave zatražilo dodatne informacije dana 22.04.2009. godine dopisom broj: 01-05-26-055-14-II/08, a Podnosilac prijave je tražene podatke dostavio dana 27.04.2009. godine dopisom broj 01-05-26-055-16-II/08.

Podnosilac Prijave je naveo, u smislu člana 30. stav (2) Zakona, da nema obavezu podnijeti zahtjev za ocjenu koncentracije nekom drugom tijelu ovlaštenom za ocjenu koncentracije izvan teritorije Bosne i Hercegovine.

Konkurencijsko vijeće u postupku ocjene dopuštenosti predmetne koncentracije je utvrdilo sljedeće činjenice:

Predmetna Prijava namjere koncentracije je podnesena u zakonom propisanom roku, u smislu člana 16. stav (1) Zakona.

## **1. Učesnici predmetne koncentracije**

Učesnici koncentracije su privredni subjekt Poteza Adriatic Fund B.V., Prins Bernhardplein 200, 1097JB Amsterdam, Holandija i privredni subjekt Postbank BH Poštanska banka Bosne i Hercegovine d.d. Sarajevo, Put život 2, 71000 Sarajevo, Bosna i Hercegovina.

### **1.1. Privredni subjekt Poteza Fond**

Privredni subjekt Poteza Adriatic Fund B.V., Prins Bernhardplein 200, 1097JB Amsterdam, Holandija registrovan je u trgovačkom registru Privredne komore Amsterdam, dana 28.05.2003. godine pod brojem: 22032128.

Pretežne djelatnosti privrednog subjekta Poteza Fond su investiranje u vlasničke udjele društava koja posluju u regiji jugoistočne Evrope (Slovenija, Hrvatska, Srbija, Bosna i Hercegovina, Crna Gora, Moldavija), pružanje administrativne, tehničke, finansijske i menadžerske podrške portfeljskim društvima, prodaja, kupovina i upravljanje nematerijalnom imovinom, uključujući patente, licence, robne marke i ostala prava intelektualnog vlasništva.

U skladu sa korporativnim pravom Holandije, upravljač privrednog subjekta Poteza Fond je privredni subjekt Poteza Capital Management B.V., Prins Bernhardplein 200, 1097JB Amsterdam, Holandija (u daljem tekstu: Poteza Capital Management), registrovan u trgovačkom registru Privredne komore Amsterdam, dana 28.05.2003. godine pod brojem: 34190997.

Privredni subjekt Poteza Capital Management upravlja privrednim subjektom Poteza Fond i isti je pod nadzorom i vodstvom Investicijskog i Savjetodavnog odbora Poteza Fonda. Investicijski odbor, na prijedlog direktora (Poteza Capital Management), odlučuje o kupovini ili prodaji dionica privrednog subjekta Poteza Fond, a Savjetodavni odbor usvaja godišnje izvještaje, prihvata vanjskog revizora na prijedlog direktora i odlučuje o mogućem postojanju konflikta interesa.

Vlasnička struktura privrednog subjekta Poteza Fond prikazana je u Tabeli 1..

Tabela 1.

R.br.	Vlasnik dionica	Vlasnički udio (%)
1.	International Finance Corporation, Vašington	16,92
2.	Poteza Netherlands B.V., Amsterdam	16,92
3.	San Long B.V.	7,52
4.	Triglav Netherlands B.V., Amsterdam	7,52
5.	Sloinvest Netherlands B.V., Amsterdam	6,02
6.	Zvon B.V., Amsterdam	6,02
7.	Breukeleveensche Poort B.V., Amsterdam	6,02
8.	DZU Investment B.V., Amsterdam	6,02
9.	Elm Tree Investments B.V., Amsterdam	6,02
10.	Finasper B.V., Amsterdam	6,02
11.	Iskra Investments B.V., Amsterdam	6,02
12.	Kopinest Netherlands B.V., Amsterdam	6,02
13.	Banka Celje d.d.	1,50
14.	Nova Ljubljanska Banka d.d., Ljubljana	1,50
	Ukupno	100,0

Privredni subjekt Poteza Fond ima udjele u privrednim subjektima koji se nalaze van teritorije BiH i to: Magnavita Holding, Republika Srbija (100,0%), Akton d.o.o., Republika Slovenija (83,11%), Gornji Grad d.o.o., Republika Hrvatska (55,36%), Farmalogist Holding d.o.o., Republika Srbija (49,0%) i Moldova Agroindbank S.A., Republika Moldavija (4,71%).

U Bosni i Hercegovini privredni subjekt Poteza Fond vlasnik je 35,724% osnovnog kapitala privrednog subjekta Nova Banka a.d. Banja Luka, Kralja Alfonsa XIII 37A, 78000 Banja Luka, koji je registrovan kao poslovna banka i posluje u skladu sa propisima i nadzorom Agencije za bankarstvo Republike Srpske i Centralne banke BiH.

## 1.2. Privredni subjekt Poštanska banka

Privredni subjekt Postbank BH Poštanska banka BiH d.d. Sarajevo, Put život 2, 71000 Sarajevo, Bosna i Hercegovina osnovan je 18.02.1997. godine i registrovan u Opštinskom sudu u Sarajevu, pod brojem 1-18139.

Pretežna djelatnost privrednog subjekta Poštanska banka je pružanje depozitnih, kreditnih i drugih bankarskih usluga.

U osnovnom kapitalu privrednog subjekta Poštanska banka 48,3043% udjela ima privredni subjekt Poteza Fond, Federacija Bosne i Hercegovine 3,3915% i ostali dioničari 48,3043%.

Privredni subjekt Poštanska banka ima ukupno šest podružnica u Bihaću, Mostaru, Sarajevu, Gorazdu, Živinicama i Tuzli, a planirano je i otvaranje novih podružnica u Zenici i Travniku.

Privredni subjekt Poštanska banka pojedinačno ili zajedno nema više od 10,0% udjela u osnovnom kapitalu, odnosno prava glasa u nekom privrednom subjektu u Bosni i Hercegovini.

## 2. Obaveza prijave namjere predmetne koncentracije

Obaveza prijave namjere koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose preko 100.000.000,00 KM, po završnom računu u godini koja je prethodila predmetnoj koncentraciji.

Ukupni godišnji prihodi privrednih subjekata učesnika predmetne koncentracije i njihovih povezanih privrednih subjekata, na dan 31. decembar 2007. godine, prikazani su u Tabeli 2..

Tabela 2.

Konsolidovani prihod (KM)	Poteza Fond	Magnavita Holding, Srbija	Akton d.o.o., Slovenija	Gornji Grad d.o.o., Hrvatska	Poštanska banka
Svijet	(..)* <sup>1</sup>	(..)*	(..)*	(..)*	-
Bosna i Hercegovina	(..)*	-	-	-	(..)*

Konkurencijsko vijeće je prilikom utvrđivanja ukupnog godišnjeg prihoda učesnika koncentracije uzelo u obzir i godišnje prihode privrednih subjekata u kojima Poteza Fond ima većinski vlasnički udio (Magnavita Holding, Srbija, Akton d.o.o., Slovenija i Gornji Grad d.o.o., Hrvatska), iz čega proizilazi da ukupan prihod privrednog subjekta Poteza Fond i privrednih subjekata u kojima isti ima većinski vlasnički udio ostvaren prodajom roba i usluga na svjetskom tržištu iznosi preko 100.000.000,00 KM, po završnom računu u godini koja je prethodila koncentraciji.

Budući da su učesnici koncentracije ispunili uslove u pogledu zajedničkog ukupnog godišnjeg prihoda i da je najmanje jedan privredni subjekt učesnik koncentracije registrovan na teritoriji Bosne i Hercegovine, u smislu člana 14. stav (1) Zakona, bili su u obavezi da podnesu Prijavu.

### 3. Pravni okvir ocjene predmetne koncentracije

Konkurencijsko vijeće je u provođenju postupka ocjene dopuštenosti koncentracije primjenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06), te Odluke o načinu podnošenja prijave i kriterijumima za ocjenu koncentracija privrednih subjekata (Službeni glasnik BiH“, broj 95/06).

### 4. Pravni osnov i oblik predmetne koncentracije

Pravni osnov predmetne koncentracije je Odluka Nadzornog odbora Poštanske banke o proglašenju uspješnom III emisije dionica putem zatvorene prodaje od dana 22.12.2008. godine.

Skupština dioničara Poštanske banke je dana 23.10.2008. godine donijela Odluku o povećanju dioničarskog kapitala III emisijom dionica putem zatvorene prodaje unaprijed poznatim kupcima, u iznosu od 10.000.000,00 KM, emisijom 100.000 običnih (redovnih) dionica, po cijeni minimalne vrijednosti od 100,00 KM. Vrijeme trajanja ponude za upis i uplatu dionica III emisije je od 17.11.2008. godine do 19.12.2008. godine.

Članom 134. Zakona o privrednim društvima Federacije BiH („Službene novine Federacije BiH“, br. 23/99, 45/00, 2/02, 6/02, 29/03, 68/05, 91/07 i 84/08) je propisano da povećanje osnovnog kapitala postaje pravno valjano upisom u registar emitenata koji se vodi kod Komisije za vrijednosne papire Federacije BiH.

Podnosilac prijave je naveo da je Komisija za vrijednosne papire Federacije BiH svojim Rješenjem broj 03/1-19-595/08 od 24.12.2008. godine odobrila upis povećanja osnovnog kapitala u registar emitenata. Registar vrijednosnih papira Federacije BiH, svojim dopisom broj: 02-7-1834/09 od 28.04.2009. godine, je naveo da je dana 28.01.2009. godine izvršen upis povećanja kapitala privrednog subjekta Poštanska banka po osnovu emisije dionica putem zatvorene prodaje, čime je privredni subjekt Poteza Fond postao vlasnik 57,2394% osnovnog kapitala privrednog subjekta Poštanske banke.

<sup>1</sup> (..)\* podaci se smatraju poslovnom tajnom u smislu člana 38. Zakona o konkurenciji

Konkurencijsko vijeće je utvrdilo da je pravni oblik koncentracije sticanje kontrole jednog privrednog subjekta (Poteza Fond) nad drugim privrednim subjektom (Poštanska banka) kupovinom većine dionica u skladu sa članom 12. stav (1) tačka b) pod 1) Zakona.

## 5. Relevantno tržište predmetne koncentracije

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda (usluga) koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Analizom relevantnog tržišta učesnika koncentracije Konkurencijsko vijeće je utvrdilo da je relevantno tržište proizvoda u predmetnoj koncentraciji tržište bankarskih usluga.

Relevantnim geografskim tržištem smatra se tržište Bosne i Hercegovine, jer učesnici koncentracije plasiraju relevantan proizvod na cijeloj teritoriji BiH.

Prema gore navedenom, relevantnim tržištem predmetne koncentracije smatra se tržište bankarskih usluga na cijeloj teritoriji BiH.

## 6. Analiza relevantnog tržišta predmetne koncentracije u Bosni i Hercegovini

Tržišni udjeli učesnika koncentracije i njihovih glavnih konkurenata na relevantnom tržištu bankarskih usluga u Bosni i Hercegovini za 2007. godinu, na osnovu ukupne aktive, prikazani su u Tabeli 3..

Tabela 3.

R.br.	Naziv banke	Ukupna aktiva	
		Iznos (000 KM)	%
1.	Raiffeisen Bank BiH d.d., Sarajevo	(..)*	20,0
2.	Hypo Alpe Adria Bank Grupa, BiH	(..)*	19,6
3.	Unicredit Grupa, BiH	(..)*	14,1
4.	NLB Grupa, BiH	(..)*	9,7
5.	HVB Central Profit Banka d.d., Sarajevo	(..)*	7,4
6.	Volksbank Grupa, BiH	(..)*	5,7
7.	Upi Bank d.d., Sarajevo	(..)*	5,0
8.	Nova banka a.d., Banja Luka	(..)*	4,7
9.	Procredit Bank d.d., Sarajevo	(..)*	2,2
10.	ABS banka d.d., Sarajevo	(..)*	1,8
<b>11.</b>	<b>PostBank d.d., Sarajevo</b>	(..)*	<b>0,2</b>
12.	Ostali	(..)*	9,6
	Ukupno	(..)*	100,0

Izvor: Podaci iz Prijave

Prema podacima o tržišnim udjelima učesnika koncentracije i njihovih glavnih konkurenata na relevantnom tržištu (Tabela 3.) vidljivo je da postoji jaka konkurencija budući da postoji veliki broj privrednih subjekata na relevantnom tržištu.

Tržišni udio privrednog subjekta Poštanska banka na relevantnom tržištu BiH iznosi 0,2%, a najveće tržišne udjele imaju privredni subjekti Raiffeisen Bank BiH d.d. Sarajevo i Hypo Alpe Adria Bank Grupa sa 20,0%, odnosno 19,6% tržišnog udjele.

## **7. Ocjena predmetne koncentracije**

Konkurencijsko vijeće je, nakon procjene i analize podataka i utvrđenih činjenica u smislu člana 17. Zakona, u postupku donošenja predmetnog Rješenja, ocijenilo da neće doći do značajnog povećanja tržišnog udjele učesnika koncentracije, te da predmetna koncentracija ne sprečava, ograničava niti narušava tržišnu konkurenciju na relevantnom tržištu bankarskih usluga u BiH.

Uzimajući u obzir sve iznesene činjenice i podatke koji su prethodili donošenju predmetnog Rješenja, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) tačka a) Zakona, kao što je odlučeno u dispozitivu ovog Rješenja.

## **8. Administrativna taksa**

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi sa procesnim radnjama pred Konkurencijskom vijećem („Službeni glasnik BiH“, broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

## **9. Pouka o pravnom lijeku**

Protiv ovoga Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

**Predsjednik**

**dr. Stjepo Pranjić**